

## Rumantsch

### BA per il diplom da scolast-a secundar-a, rom principal, 50 ECTS

(Valaivel a partir dal semester d'atun 2007)

Il studi da scolast secundar è integrà en il sistem da Bologna. El è equivalent al studi da Bachelor en rumantsch sco segunda domena e dat la pussaivladad da cuntinuar cun il studi da master en rumantsch sco segunda domena senza ulteriuras pretensiuns.

#### Plan da studi

Moduls	Lecziuns e seminaris	ECTS
<b>Modul I</b>		
- Istorgia dal linguatg / Litteratura dal 19avel tsch.	Lecziuns: Istorgia dal linguatg I e II (ina da quellas evaluada) (1+3) 1 seminari da linguistica (5) 1 seminari da litteratura (5)	14
<b>Modul II</b>		
- Linguistica teoretica / Litteratura moderna	Lecziuns: Introducziun en la linguistica I e II (ina da quellas evaluada) (1+3) 1 seminari da litteratura (5) 1 lavur da seminaris en linguistica u litteratura (3)	12
<b>Modul III</b>		
- Linguistica applicada / Litteratura contemporanea	Lecziun: Il rumantsch en il 20avel tsch. (evaluada) (3) 1 seminari da linguistica (5) 1 seminari da litteratura (5) 1 lavur da seminaris en linguistica u litteratura (3)	16
<b>Modul da didactica dal rom</b>	Lecziun (evaluada) (3) Seminaris: Planisaziun, execuziun ed evaluaziun d'ina seria da lecziuns (5)	8
<b>Remartga</b>	Ils temas dals seminaris ed ils auturs tractads varieschan.	
<b>Total ECTS</b>		<b>50</b>

#### Organisaziun dal studi

Mintga onn da studi consista d'in modul che cumpiglia in seminaris da linguistica, in seminaris da litteratura, lecziuns ed ina lavur en scrit ils davos dus onns. Ins po cumenzar cun il studi mintga semester d'atun, independentamain dal modul offrì durant quel onn.

#### Cuntegn dals moduls

**Modul I:** Las lecziuns dattan ina survista da l'istorgia dal rumantsch davent da l'entschatta da la colonisaziun dal territori grischun fin en il 19avel tschientaner. Il seminaris da linguistica da quest modul s'occupa da texts da questa perioda. En il seminaris da litteratura vegnan tractads texts dal 19avel tschientaner.

**Modul II:** Las lecziuns dattan ina survista da las metodos da la linguistica dal 20avel tschientaner. Il seminari da linguistica vegn remplazzà en quest modul d'in seminari en didactica dal rom. En il seminari da litteratura vegnan tractads texts dal 20avel tschientaner fin al temp sunter la segunda guerra mundiala.

**Modul III:** Las lecziuns s'occupan dal rumantsch modern ed actual. Il seminari da linguistica tracta problems da la descripziun grammaticala dal rumantsch actual u dal rumantsch gri-schun. En il seminari da litteratura vegnan tractads texts contemporans davent dals 1950.

**Modul da didactica dal rom:** La lecziun da didactica dal rom vegn organisada da la partiziun per la furmaziun dal stgalim secundar I. Ina segunda lecziun è d'absolver en il rom dal studi da master. Il seminari da didactica dal rom stat en connex cun la furmaziun correspondentia e vegn fatg en collavuraziun cun la furmaziun dal rom.

#### Lavurs en scrit

Las lavurs en scrit èn lavurs independentas che na ston betg star directamain en connex cun ils temas tractads en ils seminaris. La dimensiun da questas lavurs è dependenta dal dumber da puncts ECTS ch'ellas survegnan (3 ECTS = 10-15 paginas).

#### Evaluaziun da las prestaziuns / examen d'1. onn

Las lecziuns evaluadas fineschan cun in test en scrit da ca. 30 minutas. Ils seminaris vegnan evaluads cuntinuadamain tras pensums a bucca ed a scrit u er cun in test en scrit final. Tut las unitads da furmaziun survegnan ina nota. La media da las notas da las unitads d'in modul dat la nota dal modul che quinta per la nota dal diplom.

L'examen a la fin da l'emprim onn da studi vegn considerà sco reussì, cura che l'emprim modul è reussì.

## **BA per il diplom da scolast-a secundar-a I, rom complementar, 30 ECTS**

(Valaivel a partir dal semester d'atun 2007)

Per ils scolasts secundars che vulan tscherner Rumantsch sco ina part da lur terz rom u sco rom complementar vegn offri in program specific. Quel è coordinà cun l'Universitad da Turitg e cun la Scol'auta pedagogica da Turitg. Il dumber da puncts ECTS attribuids a tschertas unitads da furmaziun po perquai variar dal dumber usità. I vegn dentant preni resguard sin il dumber da puncts different tar l'attribuziun dals pensums. La didactica dal rom è identica per tut ils students da questas instituziuns da furmaziun.

### Plan da studi

<b>Modul I</b>	2 lecziuns (ina da quellas evaluada) (1+3) 2 seminaris da linguistica (2x3) u: 1 seminaris da linguistica (3) + 1 lavur en scrit (4)	10 u 11
<b>Modul II</b>	3 seminaris da litteratura (3x3) u: 2 seminaris da litteratura (2x3) + 1 lavur en scrit (4)	9 u 10
<b>Modul da didactica dal rom</b>	2 lecziuns (2x2,5) Seminaris: Planisaziun, execuziun ed evaluaziun d'ina seria da lecziuns (5)	10
<b>Total ECTS</b>		<b>30</b>

### Organisaziun dal studi

La schelta dals curs e seminaris vegn fixada a l'entschatta dal studi ensemen cun ils candidats. Las prestaziuns da studi èn da reparter sin almain trais semesters.

### Lavur en scrit

La lavur en scrit è ina lavur independenta che na sto betg star directamain en connex cun ils temas tractads en ils seminaris. Ella cumpiglia 15-20 paginas (= 4 ECTS).

### Evaluaziun da las prestaziuns

Las lecziuns evaluadas fineschan cun in test en scrit da ca. 30 minutas. Ils seminaris vegnan evaluads cuntinuadamain tras pensums a bucca ed a scrit u er cun in test en scrit final. Tut las unitads da furmaziun survegnan ina nota. La media da las notas da las unitads d'in modul dat la nota dal modul che quinta per la nota dal diplom.

### Didactica dal rom:

Las lecziuns da didactica dal rom vegnan organisadas da la partiziun per la furmaziun dal stgalim secundar I. Il seminaris da didactica dal rom stat en connex cun la furmaziun correspondent e vegn fatg en collavuraziun cun la furmaziun dal rom.